

НЕДЕЛЯ МЯСОПУСТНАЯ.

В субботу вечера, на Вечерни, по предначинательном псалме обычное стихословие.

На Господи возвах, поставим стихов 10. И поем Осмогласника стихиры воскресны 3, и анатолиевы 3: и Триоди дне подобны 4. Глас 6.

Подобен: Всю отложивше:

Егда хочещи приити, / суд праведный сотворити, / Судие праведнейший, / на престоле славы Твоя седяй, / река огненная пред Твое судилище ужасающая влечет всех, / предстоящим Тебе небесным силам, / человеком же судимым страхом, / якоже кождо содела: / тогда нас пощади, / и части Христе сподоби спасаемых, / яко благоутробен, / верою молим Тя.

Книги разгнутся, / явлена будут деяния человеков, / пред нестерпимым судилищем: / возшумит же юдоль вся страшным скрежетанием плача, / вся видящи согрешившия, / вечнующим мукам, / судом праведным Твоим отпускаемая, / и бездельно плачущия Щедре. / Темже Тя молим Блаже: / пощади нас поющих Тя, едине Многомилостиве.

Возгласят трубы, и истощатся гробы, и воскреснет человеческое все естество трепещущее, добрая содеявшии, в радости радуются, чающе мзду восприяти: согрешившии же трепещут, люте рыдающе, в муку посылаеми, и от избранных разлучаеми. Господи славы, ущедри нас яко Благий, и части сподоби возлюбивших Тя.

Плачу и рыдаю, / егда в чувство прииму огонь вечный, / тьму кромешную, и тартар, / лютый червь, / скрежет же паки зубный и непрестанный, / болезнь имущу быти без меры согрешившим, / и Тебе преблагаго нравом лукавым прогневавшим, / от нихже един и первый есмь аз окаянный: / но Судие, милостию Твоею спаси мя, / яко благоутробен.

Слава, глас 8:

Егда поставятся престолы и отверзутся книги, / и Бог на суде сядет, / о кий страх тогда ангелом предстоящим в страхе, / и реце огненной влекущей! / Что сотворим тогда во многих гресех повиннии человецы? / Егда же услышим зовуща Его, / благословенныя Отца в Царство, / грешныя же отсылающа в муку: / кто потерпит страшнаго онаго изречения? / Но едине Человеколюбче Спасе, Царю веков, / прежде даже кончина не приспееет, / покаянием обратив, / помилуй мя.

И ныне, Богородичен гласа.

Вход. Свете тихий: Прокимен: Господь воцарися: И прочее.

На литии, Слава, самогласен, глас 7:

Господни разумевше заповеди, / тако поживем: / алчущия напитаим, жаждущия напоим, / нагия облечем, странныя введем, / болящия и в темнице

сущия посетим: / да речет и к нам / хотяй судити всей земли: / приидите
благословеннии Отца Моего, / наследуйте уготованное вам Царствие.

И ныне, глас 7:

**Под кров Твой Владычице, / вси земнороднии прибегающе вопием Ти: /
Богородице упование наше, / избави ны от безмерных прегрешений, / и спаси
души наша.**

На стиховне стихиры Осмогласника по алфавиту.

Слава, глас 8:

**Увы мне мрачная душе, / доколе от злых не отреваешься? / Доколе
унынием слезиши? / Что не помышляеши о страшном часе смерти? / Что не
трепещиши вся страшнаго судища Спасова? / Убо что отвечаеши? / или что
отречеши? / Дела твоя предстоят на обличение твое, / деяния обличают
клеветуща. / Прочее о душе, время наста: / тецы, предвари, верою возопий: /
согреших Господи, согреших Ти: / но вем Человеколюбче благоутробие Твое, /
Пастырю добрый, / да не разлучиши мене одесную Тебе / предстояния, /
великия ради милости Твоея.**

И ныне, Богородичен глас 8:

**Безвестная Дево, / Яже Бога неизреченно заченши плотию, / Мати Бога
Вышняго, / Твоих рабов мольбы приими, Всенепорочная, / всем подающи
очищение прегрешений: / ныне наша моления приемлющи, / моли спастися
всем нам.**

**Отпустительный: Богородице Дево, радуйся: трижды. И прочее
последование бдения. И бывает чтение в Деяниях апостольских.**

НА УТРЕНИ,

Бог Господь, на глас тропаря Осмогласника. Тропарь воскресный, и Богородичен, и обычное стихословие.

Чтем же и о нищелюбии слово Богослова, на три деления, егоже начало: Мужие братие, и соубозии: И полиелей. Степенны гласа. Прокимен, и Евангелие утреннее рядовое. псалом 50.

Слава, глас 8: Покаяния отверзи ми двери Жизнодавче, / утренюет бо дух мой ко храму святому Твоему, / храм носяй телесный весь осквернен: / но яко щедр, очисти / благоутробною Твоею милостию.

И ныне, Богородичен: На спасения стези настави мя Богородице, / студными бо окалях душу грехми, / и в лености все житие мое иждих: / но Твоими молитвами / избави мя от всякия нечистоты.

Таже, глас 6: Помилуй мя Боже, / по велицей милости Твоей, / и по множеству щедрот Твоих, / очисти беззаконие мое.

Множества содеянных мною лютых, / помышляя окаянный, / трепещу страшного дне суднаго: / но надеяся на милость благоутробия Твоего, / яко Давид вопию Ти: / помилуй мя Боже по велицей Твоей милости.

И канон воскресен, и Богородицы на 6: и Триоди на 8.

Канон, творение господина Феодора Студита, глас 6.

Песнь 1.

Ирмос: Помощник и покровитель / бысть мне во спасение, / Сей мой Бог, / и прославлю Его, / Бог отца моего, / и вознесу Его: / славно бо прославися.

День страшный всенеизглаголаннаго Твоего пришествия страшуся помышляя: убоявся провижду, вонже предсядеша судити живыя и мертвыя, Боже мой Всесильне.

Егда приидеши Боже, во тьмах и тысящах ангельских, небесных начал, и мене окаяннаго, срести Тя Христе на облацех сподоби.

Гряди, прими душе моя, той час и день, егда Бог яве надстанет: и рыдай, плачи, обрестися чиста в час истязания.

Ужасает мя и страшит огонь негасимый геенский, червь горький, скрежет зубов: но ослаби ми, остави, и стоянию мя Христе, избранных Твоих соучини.

Вожеленнаго Твоего гласа, святыя Твоя зовущаго на радость, да услышу и аз окаянный, и обрящу Царствия Небеснаго неизреченное наслаждение.

Не вниди со мною в суд, носяй моя деяния, словеса изыскаюя, и исправляяй стремления: но щедротами Твоими презирая моя лютая, спаси мя Всесильне.

Слава, Троицен: Триипостасная Единице, начальнейшая Госпоже всех, совершенноначалное преначалие, Сама нас спаси, Отче и Сыне и Душе Пресвятыи.

Богородичен: Кто роди Сына, несейнна Отчим законом? Сего убо раждает Отец без матере. Преславное чудо! Ты бо родила еси Чистая, Бога вкупе и Человека.

Катавасиа: Помощник и покровитель / бысть мне во спасение, / Сей мой Бог, / и прославлю Его, / Бог отца моего, / и вознесу Его: / славно бо прославися.

Песнь 3.

Ирмос: Утверди Господи, / на камени заповедей Твоих / подвигшееся сердце мое, / яко един Свят еси, / и Господь.

Господь грядет, и кто стерпит страх Его? кто явится лицу Его? Но готова буди, о душе, ко сретению.

Предварим, плачем, примиримся Богу прежде конца: страшно бо судище, на немже вси обнажени станем.

Помилуй Господи, помилуй мя, вопию Ти, егда приидеши со ангелы Твоими отдати всем по достоянию деяний.

Нестерпимый, Господи, гнев, како стерплю суда Твоего, преслушав Твое повеление? Но пощади, пощади мя в час суда.

Обратися, воздохни душе окаянная, прежде даже жития торжество конца не примет, прежде даже двери чертога не затворит Господь.

Согреших, Господи, якоже иный никтоже от человек, прегрешив паче человека: прежде суда милостив буди ми, Человеколюбче.

Слава, Троицен: Троице простая, несозданная, безначальное Естество в Троице воспеваемое Ипостасей, спаси ны, верою поклоняющияся державе Твоей.

Богородичен: Прозябла еси Пречистая безсеменным Рождеством живое Слово, воплощенное во утробе Твоей, непреложное: слава Богомати, Рождеству Твоему.

Катавасиа: Утверди Господи, / на камени заповедей Твоих / подвигшееся сердце мое, / яко един Свят еси, / и Господь

Седален, глас 6:

Помышляю день страшный, / и плачуся деяний моих лукавых: / како отвещаю безсмертному Царю? / коим же дерзновением воззрю на Судию блудный аз? / Благоутробный Отче, / Сыне Единородный, / Душе Святыи, помилуй мя.

Слава: Во юдоли плача, / в месте еже положил еси, / егда сядеши Милостиве, / сотвориши праведный суд, / не объяви моя тайная, / ниже посрами мене пред ангелы: / но пощади мя Боже и помилуй мя.

И ныне, Богородичен: Упование мира благая Богородице Дево, / Твое и единое страшное предстательство молю: / умилосердися на удобообстоятельныя люди, / умоли милостиваго Бога, / избавитися душам нашим от всякаго прещения, / едина благословенная.

Песнь 4.

Ирмос: Услыша пророк / пришествие Твое Господи, / и убояся, / яко хочещи от Девы родитися, / и человеком явится, / и глаголаше: / услышах слух Твой, / и убояхся, / слава силе Твоей Господи.

Наста день, уже при дверех суд, душе бодрствуй, идеже царие вкупе и князи, богатии и убозии собираются и восприимет по достоянию содеянных от человек кийждо.

В чину своем, монах и иерарх, старый и юный, раб и владыка истязется, вдовица и дева исправится: и всем горе тогда, не имевшим житие неповинное.

Неумытный суд Твой, неутаенное Твое судище хитрословия, не витий художество крадущее, не свидетелей непщевание отражающее праведное: в Тебе бо Бозе всех сокровенная предстоят.

Да не прииду в землю плача, да не вижду место тьмы Христе мой Слове, ниже связан буду рукама и ногама, вне чертога Твоего изверженный, одежду нетления оскверненную имей всеокаянный.

Внегда отлучиши грешныя от праведных, судяй миру, единаго от овец мя Твоих сопричти, от козлиц разлучая мя Человеколюбче, во еже услышати гласа онаго благословеннаго Твоего.

Испытанию бываему, и книгам отверзаемым содеянных, что сотвориши, о душе окаянная? Что отвещаеши на судищи, не имущая правды плоды принести Христу, и Содетелю твоему?

Слыша богатаго во пламени муки рыданословия, плачуся и рыдаю окаянный, тогожде сый осуждения, и молюся: помилуй мя Спасе мира, во время суда.

Слава, Троицен: Сына от Отца, и Духа славлю, яко от солнца свет и лучу: Оваго убо рождественне, зане и рождение, Оваго же происходне, зане и происхождение, собезначальную Божественную Троицу, поклоняемую от всякия твари.

Богородичен: Девая Младенца родившая, и чистоту соблюдшая, Чистая Ты явилася еси Бога рождши и Человека, единаго Того во обою зраку: чудо Твое Дево Мати, ужасает всякий слух и помысл.

Катавасия: Услыша пророк / пришествие Твое Господи, / и убоюсь, / яко хочещи от Девы родиться, / и человеком явиться, / и глаголаше: / услышах слух Твой, / и убоюсь, / слава силе Твоей Господи.

Песнь 5.

Ирмос: От нощи утренююща, / Человеколюбче, / просвети, молюся, / и настави и мене / на повеления Твоя, / и научи мя Спасе, / творити волю Твою.

Трепет неисповедимый, и страх тамо: придет бо Господь, и дело с Ним коегождо от человек: и кто отсюду прочее себе не восплачет?

Река огненная смущает мя, истаявает мя, стружет мя скрежет зубов, тьма бездны: и како, или что содеяв, Бога умилостивлю?

Пощади, пощади Господи, раба Твоего, да не когда предаши мене горьким мучителем аггелом лютым: в нихже несть тамо покоя обрести.

Князь и вождь тамо вкупе, богатый и безславный, великий купно и малый исправится равно: горе комуждо прочее неуготовленному.

Ослаби, остави Господи, и прости елика Ти согреших, и не покажи мя тамо пред ангелы во осуждении огня, и студа некончаемаго.

Пощади, пощади Господи, создание Твое: согреших, ослаби ми, яко естеством чистый, Сам еси един, и иной разве Тебе никтоже есть вне скверны.

Слава, Троицен: Единицу естеством Тя Троице воспеваю, безначальную, непостижную, начальственное, царское, пресовершенное единство, Бога, и Света, и Живота, и Содетеля миру.

Богородичен: В Рождестве Твоем паче естества Чистая, закони естества Тебе разоришася яве: ибо без семене раждаеши Превечнаго Бога, от Отца рожденнаго.

Катавасия: От нощи утренююща, / Человеколюбче, / просвети, молюся, / и настави и мене / на повеления Твоя, / и научи мя Спасе, / творити волю Твою.

Песнь 6.

Ирмос: Возопих всем сердцем моим / к щедрому Богу, / и услыша мя / от ада преисподняго, / и возведе от тли живот мой.

Во страшнем Христе пришествии Твоем, егда явишися с Небесе, и поставятся престоли, и книги разгнутся: пощади, пощади тогда Спасе, создание Твое.

Тамо ничтоже помощи может, Богу сущу Судии, ни тщание, ни козни, ни слава, ни дружба: разве от дел крепость твоя, о душе моя!

Тамо вкупе князь и вождь, нищий и богатый, душе, ни отец возможет ни мати помогающи, ни избавляяй брат осуждения.

Страшное душе, истязание помышляючи Судиино, ужаснися отсюду, уготови слово, да не осудишися узами вечными.

Возми твое, да не услышу Господи, отсылаемь от Тебе, ниже, еже поиди во огонь проклятых: но возжеленнаго гласа праведных.

Адских врат избави мя Господи, пропасти, и тьмы несветимыя от преисподних, и огня негасимаго, и всякия иныя муки вечныя.

Слава, Троицен: Троичнаго единства Божество пою, Отца, и Сына, и Божественнаго Духа, единаго начала державу, соразделяемаго тремя начертаньми.

Богородичен: Дверь Ты еси, Юже един пройде вшедый и изшедый, и ключи не разрешивый девства Чистая, Иисус создавый Адама, и Сын Твой.

Катавасия: Возопих всем сердцем моим / к щедрому Богу, / и услыша мя / от ада преисподняго, / и возведе от тли живот мой.

Кондак, глас 1:

Егда приидеши Боже на землю со славою, / и трепещут всяческая: / река же огненная пред судищем влечет, / книги разгибаются, и тайная являються: / тогда избави мя от огня неугасимаго, / и сподоби мя одесную Тебе стати Судие праведнейший.

Икос: Страшное судище Твое помышляя преблагий Господи, и день судный, ужасаюся, и боюся, от совести моя обличаемь, егда имаши сести на престоле Твоем, и творити испытание: тогда отрещися грехов никтоже возможен, истине обличающей, и боязни содержащей: вельми убо возшумит тогда огонь геенский, грешницы же возскрежещут. Темже мя помилуй прежде конца, и пощади мя Судие праведнейший.

Синаксарь.

В сий день втораго и неумытнаго пришествия Христова память творим, юже божественнейшии отцы по двою притчу положиша, яко да не кто во ону Божие человеколюбие уведев, леностно поживет глаголя: человеколюбив есть Бог, и егда греха отлучуся, готово имам все совершити. Сей страшный день зде учиниша, да смертию и чаянием будущих злых устрашивше, леностно живущия к добродетели возведут, не надеющихся к человеколюбному точию, но взирати яко и праведн есть Судия и отдает комуждо по делом его. Инако же, и душам прешедшим, подобаше приити и Судии: образ же некий, и настоящий праздник: понеже убо конец всех праздников полагается ныне, якоже и он всех будет по нам конечный. Подобает бо смотрити, яко в будущую Неделю начало мира, и самое от рая падение положат Адамово: настоящий же всех дней конец, и миру самому. В мясопусте же сию положиша, сокращающе, мню, пищу и объядение страха ради праздника, и к милости ближняго нас созывающе. И инако: понеже питавшеся изгнахомся из Едема, и под судом быхом и клятвою: посему настоящий положиша праздник, и яко хотим {имамаы} в другую Неделю Адамом, по образу Едемскому изгнатися, дондеже

Христос пришед паки нас возведет к раю. Второе же пришествие речеся, зане и первее плотию к нам прииде, но тих и без славы: ныне же с преестественными чудеса приидет, и с явленною светлостию с Небес и с телом, яко да познан будет всеми: яко Сей есть Иже и первее пришедый, и род человекъ избавивый, и судити паки хотяй Сам, аще добре данная Ему соблюде. Когда убо будет сие пришествие? никтоже вестъ: сие бо и Господь апостолом скры. Тогда убо знамения некая яви предварити, яже нецыи от святых пространнее изъясниша. Глаголется же, яко по седмех тысящах лет пришествие Его будет. Прежде же Его пришествия приидет антихрист, и родится, яко глаголет святой Ипполит Римский, от жены скверны, и девицы мнимыя, от еврей же суци от племени Данова, иже бяше отрок Иаковль: и ходити убо имать по Христу проходя жительство, и чудеса совершит, елика убо и Христос действова, и мертвыя воскресит. Обаче по мечтанию вся содеет: и рождение, и плоть, и прочая вся, якоже глаголет апостол. {2 Сол. зач. 275.} И тогда, глаголя, открытсся сын пагубы, во всякой силе и знамениих и чудесех ложных: обаче не сам диавол в плоть претворится, якоже из Дамаска глаголет Иоанн: но человек от блуда родився, все сатанино действие примет, и внезапно встанет: таже благ и кроток всем явится. И глад тогда велий будет: угодит людем, и Божественная писания пройдет, и посту навькнет: и понудится от человек, и царь проповестся: и возлюбит множае еврейский род, и во Иерусалим достигнет, и храм их воздвигнет. Прежде же седмех лет, якоже глаголет Даниил, приидет Енох и Илия, проповедающе людем не приимати его: сей же емь их умучит, таже и главы их отсечет. Благочествовати же изволившии далече отбегнут, ихже в горах обрет, демонми искусит: умалятся же седмь лет оная избранных ради, и глад будет велик, стихиаи всем превращаемым, яко потребитися в мале уже всем. По сих же внезапно яко молния с небес Господние пришествие будет, предыдущу честному Его Кресту: и огненная река клокощуци Ему предыдет, всю землю от скверны очищаючи. Ят же будет абие и антихрист, и его слуги, и предадятся вечному огню. Вострубившим же ангелом, приидет внезапно от конец земли, и от всех стихий, всяк человеческий род во Иерусалим, яко среда мира той: и тамо седоша престоли на суде: обаче с своими телесы и душами, всем к нетлению претихиованным, и един имущим зрак: и тем же стихиаи на лучшее приемшим изменение. И разлучит едином словом Господь праведныя от грешных. И пойдут благих делатели, вечный живот приемлюще: грешнии же в вечную паки муку, и никогдаже сих престание будет. Ведомо же, яко не поста тогда взыщет, и наготы, и чудес, Христос, добра бо и сия: но множицею сих лучшая, милостыню яве и простыню {сострадание}. Речет бо праведным и грешным шесть неких заповедей: взалках бо, и дасте Ми ясти. Возжадах, и напоисте Мя. Странен бех, и введосте Мя. Наг, и одеясте Мя. Болен бех, и посетисте Мя. В темнице бех, и приидосте ко Мне. Елико бо сотвористе единому сих меньших, Мне сотвористе: яже может всяк кто сотворити по силе. Тогда убо всяк {Филип. зач 240} кто исповестъ, яко Господь Иисус Христос, во славу Бога Отца. Муки убо, яже священное Евангелие предаде, сия суть: {Матф. зач 105} тамо будет плачь, и скрежет зубов: червь их не скончается, и огонь их не угаснет, и {Марк. зач 42} вложите его во тьму кромешную. Яже убо

вся светло Церковь Божия приемши непщует, пищи {сладости} убо и Царствию Небесному быти, с Богом святых спребыванию, будущему оным сиянию всегдашнему и восхождению. Мучению же и тьме, и сиевым от Бога удалению и душам совестию иждивению, како леностию и пищею временною Божественнаго сияния лишишася. Неизреченным человеколюбием Твоим Христе Боже, желательнаго Твоего гласа нас сподоби, и сущим одесную Тебе сопричти, и помилуй нас, аминь.

Песнь 7.

Ирмос: Согрешихом, беззаконновахом, / неправдовахом пред Тобою, / ниже соблюдохом, / ниже сотворихом, / якоже заповедал еси нам: / но не предаждь нас до конца, отцев Боже

Припадем и восплачемся прежде суда онаго вернии, егда небеса погибнут, звезды спадут, и вся земля поколеблется, да милостива обрящем в конец отцев Бога.

Неумытное истязание, страшный есть тамо суд, идеже Судия неутаен есть, идеже лица несть в дарех прияти: тогда пощади мя Владыко, и избави всякаго гнева Твоего страшнаго.

Господь грядет судити, кто стерпит видение Его? Вострепещи душе окаянная, вострепещи, и уготови исходищу дела твоя, да милостива и милосерда обрящещи Его, отцев Бога благословенна.

Негасимый огонь смущает мя, горчайший червей скрежет, ад душетленный страшит мя, благоумилен отнюд не бываю. Но Господи Господи, прежде конца утверди мя страхом Твоим.

Припадаю Ти, и приношу Тебе якоже слезы глаголы моя: согреших, якоже не согреши блудница, и беззаконновах, яко иной никтоже на земли. но ущедри Владыко, творение Твое, и призови мя.

Обратися душе, покайся, открий сокровенная, глаголи Богу вся ведущему: Ты веси моя тайная едине Спасе, но Сам мя помилуй, якоже поет Давид, по милости Твоей.

Слава, Троицен: Три, едино Существом, и едино Лицами, Три пою Сия: Отец, Сын, и Святой Дух, едина сила, хотение и действие. Един Бог Трисвятой, Царство едино единоначальнейшее.

Богородичен: Проходит краснейший от чертога чрева Твоего Бог, якоже Царь одеянный боготканною багряницею, обагрения тайнаго пречистых кровей Твоих, Безвестная, и царствует землю.

Катавасия: Согрешихом, беззаконновахом, / неправдовахом пред Тобою, / ниже соблюдохом, / ниже сотворихом, / якоже заповедал еси нам: / но не предаждь нас до конца, отцев Боже.

Песнь 8.

Ирмос: Егоже воинства небесная славят, / и трепещут херувими и серафими, / всяко дыхание и тварь, / пойте, благословите и превозносите / во вся веки.

Страшнаго втораго Твоего, Господи, пришествия помышляя сретение, трепещу прещения Твоего, боюся гнева Твоего: от сего мя часа зову, спаси во веки.

Тебе Богу судящу всяческая, кто стерпит земнороден, сый страстен? Негасимый бо огонь тогда, и червь скрежещущий вельми, осужденныя примет во веки.

Всякое дыхание егда призовеши, еже разсудити Христе вкупе: великий страх тогда, велия нужда, токмо помогающим деянием во веки.

Всех Судие Боже мой и Господи, да услышу тогда гласа Твоего вожделеннаго, да увижду свет Твой великий, да узрю вселения Твоя, да узрю славу Твою, радуясь во веки.

Правосуде Спасе помилуй, и избави мя огня и прещения, егоже мне на суде праведно подъяти: ослаби ми прежде конца, добродетелию и покаянием.

Егда сядеши Судие, яко благоутробен, и покажеша страшную славу Твою Христе: о кий страх тогда, печи горячей, и всем боящимся нестерпимаго судища Твоего!

Благословим Отца и Сына, и Святаго Духа, Господа.

Единаго Бога по Существоу чту, Три Ипостаси пою определительне, иныя, но не инаковыя: понеже Божество едино в триех Лицех: ибо Отец, и Сын, и Божественный Дух.

Богородичен: Из светлейшаго чрева Твоего прошед, яко Жених из чертога возсия Христос, Свет велий сущим во тьме: ибо правды Солнце облистав, просвети Чистая мир.

Хвалим, благословим, покланяемся Господеви, поюще, и превозносяще во вся веки.

Катавасия: Егоже воинства небесная славят, / и трепещут херувими и серафими, / всяко дыхание и тварь, / пойте, благословите и превозносите / во вся веки.

Песнь 9.

Ирмос: Безсеменнаго зачатия / Рождество несказанное, / Матере безмужныя нетленен Плод: / Божие бо рождение обновляет естества. / Темже Тя вси роди, / яко богоневестную Матерь, / православно величаем.

Господь грядет грешныя мучити, праведныя же спасти: восплачемся, и возрыдаим, и примем чувство онаго дне, воньже безвестная и тайная открыв, человеком отдаст по достоянию.

Пристрашен и трепетен бысть Моисей, видя Тя от задних: како же постою, лице Твое видя тогда аз окаянный, егда приидеши с Небесе? Но пощади мя Щедре, милостивным Твоим призрением.

Даниил убояся часа истязания, аз же окаянный что постражду от него, грядый Господи, страшнаго дне, но даждь ми прежде конца благоугодно Тебе послужити, и уллучити Царствие Твое.

Огнь готовится, червь устрояется: веселие, слава, ослабление, свет невечерний, радость праведных: и кто блаженный избегнути не восхощет мучения первых, наследивый вторая?

Да мя не отвратит от лица Твоего Господи ярость Твоего гнева: ниже да услышу гласа клятвеннаго, во огнь отсылающаго, но да вниду в радость нетленнаго Твоего чертога и аз тогда со святыми Твоими.

Ум уязвися, тело острупися, болезнует дух, слово изнеможе, житие умертвися, конец при дверех. Темже окаянная моя душе, что сотвориши, егда приидет Судия испытати твоя?

Слава, Троицен: Единого Единородителю, единороднаго Сына Отче, и едине единого Свете, Света сияние: и единый едине единого Бога, Святыи Душе, Господа Господь, воистинну сый. О Троице Единице Святая! Спаси мя богословяща Тя.

Богородичен: Чудо Рождества Твоего удивляет мя Всенепорочная, како зачинаеши безсеменно необыннаго: рцы, како девствуеши рождши яко Мати? Еже паче естества верою прием, Рожденному поклонися: елика хочет бо, и может.

Катавасия: Безсемнаго зачатия / Рождество несказанное, / Матере безмужныя нетленен Плод: / Божие бо рождение обновляет естества. / Темже Тя вси роди, / яко богоневестную Матерь, / православно величаем.

Ексапостиларий: Таже настоящий.

Подобен: Со ученики въздем:

Страшный день суда, и неизреченныя Твоя славы, помышляя трепещу Господи всяко, и трясыйся страхом вопию: на землю егда приидеши судити Христе Боже всяческая со славою, от всякаго избави мя мучения, одесную Тебе Владыко сподобивый мя стати.

Другий: Подобен: Жены услышите:

Се день грядет Господа Вседержителя, и кто стерпит страх пришествия онаго? День бо ярости есть, и печь горящая, воньже Судия сядет, и по достоянию деяний комужде отдай.

Богородичен: Час испытания, и страшнаго пришествия Человеколюбца Владыки помышляя, весь трепещу, и сетуя, вопию Ти: Судие мой праведнейший, и едине Многомилостиве, кающася приими мя Богородицы молитвами.

**На хвалитех стихиры воскресны Осмогласника 4: и анатолиев един: и
Триоди 4, глас 6. Самогласны.**

Стих: **В**сакое дыханне да хвалит Господа:

Помышляю день оный и час, / егда имамы вси нази и яко осуждени, / неумытному Судии предстати, / тогда труба возшумит вельми, / и основания земли подвижатся, / и мертвии от гробов воскреснут, / и возрастом едином вси будут, / и всех тайная явленна предстанут пред Тобою / и возрыдают, и восплачутся, и во огонь кроmeshный отыдут, / иже никогдаже покаяшася: / и в радость и веселие, / праведных жребий внидет в чертог Небесный.

Стих: **И**сповеся **Т**ебе Господи всем сердцем моим, повес вса чюдеса **Т**воа.

О каковый час тогда, / и день страшный, / егда сядет Судия на престоле страшном! / Книги разгибаются, / и деяния обличаются, / и тайная тьмы явлена бывають, / ангели обтекают, / собирающе вся языки. / Приидите, услышите царие и князи, / раби и свободни, / грешницы и праведницы, / богатии и нищии: / яко грядет Судия, / хотяй судити всей вселенней. / И кто претерпит пред лицом Его, / егда ангели предстанут обличающе деяния, / помышления, и мысли, / яже в нощи и во дни? / О каковый час тогда! / Но прежде даже не приспееет кончина, / потщися зовущи душе: / Боже, обратив спаси мя, яко един благоутробен.

Глас 8: Стих: **В**озвеселюса и возрадохюса ѿ тевѣ, пою ѿмени твоємѹ, вышній.

Даниил пророк, муж желаний быв, / властительное Божие виде, / сие вопияше: / Судия седе, и книги разгнушася. / Блюди душе моя, постиши ли ся? / Ближняго твоего не презри. / От брашен воздержшиши ли ся? / Брата твоего не осуждай: / да не во огонь отсылаема сториши яко воск, / но да без поткновения введет тя Христос / в Царствие Свое.

Глас 1. Стих: **В**оскресни Господи **Б**оже мой, да вознесетса рѹка **Т**воа, не забѹди ѹбогих **Т**воих до конца.

Предочистим себе братие, / царицею добродетелей: / се бо прииде, богатство нам благих подающи: / страстей утоляет дмения, / и Владыце примиряет прегрешившия. / Темже с веселием сию примем, / вопиюще Христу Богу: / воскресый из мертвых, / неосуждены нас сохрани, / славословящия Тя / единого Безгрешнаго.

Слава, Глас 1:

Предочистим себе братие, / царицею добродетелей: / се бо прииде, богатство нам благих подающи: / страстей утоляет дмения, / и Владыце примиряет прегрешившия. / Темже с веселием сию примем, / вопиюще

Христу Богу: / воскресый из мертвых, / неосуждены нас сохрани,
славословящия Тя / единого Безгрешного.

И ныне: Препоблагословенна еси:

Славословие великое: и отпуст. Таже, обычная литиа в притворе, в нейже поем:
Слава, и ныне, стихиру евангельскую. Присовокупляем и час 1-й, в немже
чтется оглашение преподобного отца нашего Феодора Студита.

НА ЛИТУРГИИ

И блаженна гласа, на 8: и от канона Триоди песнь 6, на 4.

1. Во страшнем Христе пришествии Твоем, егда явишия с Небесе, и поставятся престоли, и книги разгнутся: пощади, пощади тогда Спасе, создание Твое.
2. Тамо ничтоже помощи может, Богу сущу Судии, ни тщание, ни козни, ни слава, ни дружба: разве от дел крепость твоя, о душе моя!
3. Тамо вкупе князь и вождь, нищий и богатый, душе, ни отец возможет ни мати помогающа, ни избавляяй брат осуждения.
4. Страшное душе, истязание помышляюща Судиино, ужаснися отсюда, уготови слово, да не осудишия узами вечными.

Прокимен, глас 3: Вѣлѣи гдѣ нашъ, и вѣлѣа крепость егѡ, и рѣзѡма егѡ нѣсть числа.

Стих: 1 Хвалите гдѣ, ѡкѡ блгѡ уалѡмъ: вѣгови нашемѡ да оусладитса хвалѣнїе.

Апостол к Коринфяном, зачало 140. [1 Кор. 8, 8 – 9, 2.]

Братие, Брѣшно же насъ не поставиѣетъ предъ вѣомъ: ниже во ѡце ѡмы, извъѣточествѣемъ: ниже ѡце не ѡмы, лишѣемса. Блюдите же, да не кѡкѡ власть ваши сѣа преткновѣнїе вѣдетъ немоцнѣмъ. Аще во кто видитъ тѣа, и мѣца рѣзмъ, въ трѣвници возлежѣаца, не совѣсть ли егѡ немоцна сѣа созїдетса идѡложертвеннаа ѡсти; И погїбнетъ немоцнѣй братъ въ твоѣмъ рѣзмѣ, егѡже рѣди хрѣтѡсъ оумре. Такожде согрѣшающе въ братїю и вїюще ихъ совѣсть немоцнѣ сѣа, во хрѣта согрѣшаете. Тѣмже ѡце брѣшно совлазнѣетъ брати моего, не ѡмамъ ѡсти мѣса во вѣки, да не совлазнѡ брата моего. Нѣсмь ли апѣлъ; Нѣсмь ли свобѡдъ; Не ѡса хрѣта ли гдѣ нашего видѣхъ; Не дѣло ли моѡ вѣ естѡ ѡ гдѣ; Аще иныи (и) нѣсмь апѣлъ, но ѡваче вамъ есмь: печѣтъ во моѡмѡ апѣства вѣ естѡ ѡ гдѣ.

Аллилуиа, глас 8: Приидите возрадемса Господѣви, воскликнем Богѡ Спасителю нашемѡ.

Стих: Предварим лице Егѡ во исповѣданни, и во псалмехъ воскликнем Емѡ.

Евангелие от Матфея, зачало 106. [Мф. 25, 31 – 46.]

Рече Господь Своими учеником: егда же прїидетъ снъ члвчскїй въ славу свою и вси сїи аггїи съ нимъ, тогда сѣдетъ на прѣтолѣ славы своеѣ, и совердтса предъ нимъ вси ѡзыцы: и раздчитъ ихъ дрѣгъ ѿ дрѣга, ѡкоже пастыръ раздчаетъ овы ѿ козлицы: и поставитъ овы ѡдеснѣю себѣ, а козлица ѡшѣю. **Т**огда речетъ црѣ сѣцымъ ѡдеснѣю егѡ: прїидите, блгвенни оца моего, наследуйте оуготованное вамъ црствїе ѿ сложенїа мїра: взаклхса бо, и дасте ми ѡсти: возжадхса, и напоите мѧ: страненъ бѣхъ, и введѡсте мене: нагъ, и ѡдѣасте мѧ: боленъ, и посѣтисте мене: въ темницѣ бѣхъ, и прїидѡсте ко мнѣ. **Т**огда ѿвѣщуютъ емѣ прѣнницы, глаголюще: гди, когда тлѣ видѣхомъ ѡчѣца, и напитлхомъ; или жадѣца, и напоилхомъ; когда же тлѣ видѣхомъ странна, и введѡхомъ; или нага, и ѡдѣахомъ; когда же тлѣ видѣхомъ болаца, или въ темницѣ, и прїидѡхомъ къ тебѣ; **И** ѿвѣщавъ црѣ речетъ имъ: аминь глѡ вамъ, понеже сотвористе единоѡ сїхъ вратїи моїхъ меншихъ, мнѣ сотвористе. **Т**огда речетъ и сѣцымъ ѡшѣю (егѡ): идите ѿ мене, проклѣтїи, во огнь вѣчный, оуготованный дїаволъ и аггеломъ егѡ: взаклхса бо, и не дасте ми ѡсти: возжадхса, и не напоите мене: страненъ бѣхъ, и не введѡсте мене: нагъ, и не ѡдѣасте мене: боленъ и въ темницѣ, и не посѣтисте мене. **Т**огда ѿвѣщуютъ емѣ и тїи, глаголюще: гди, когда тлѣ видѣхомъ ѡчѣца, или жадѣца, или странна, или нага, или болаца, или въ темницѣ, и не послужилхомъ тебѣ; **Т**огда ѿвѣщуетъ имъ, глѡ: аминь глѡ вамъ, понеже не сотвористе единоѡ сїхъ меншихъ, ни мнѣ сотвористе. **И** идтъ сїи въ мѣкѣ вѣчнѡ, прѣнницы же въ живѡтѣ вѣчный.

Причащен: Хвалите Господа с небес:

Другий: Раддйтесл праведнии о Господе: